

惟清齋全集

梅庵詩鈔

長白鐵保梅庵詩館

七言律

古北口道中

天門削劣兩峯開，曲磴盤旋到翠隈。  
對面馬隨飛鳥沒，上山人帶斷雲來。  
草當驛路除偏長，石落奔流觸欲回。  
鳥道披蘿心轉悸，始知塞地重龍媒。

大漠天高風已商，蕭蕭落木野雲黃。  
草深僻路客談虎，日暮遠山人牧羊。  
飛瀑千尋橫雪練，平沙十里走星芒。  
道逢獵騎歸來晚，勒勒聲搖滿地霜。

稿綴匠心巧藉斷文成青苗黃葉人爭賞應使前賢畏

後生

文有春雨青苗  
秋颺黃葉之句

謝公崖上同飛屐庾亮樓頭共舉杯南北溪山人未改

春秋風雨我重來

余每遊必  
與公偕

雲蹤久矣超塵網錦字無

由寄夜臺集得蘭亭詩數首他年空使後人哀

常遊薊  
門烟樹

集蘭亭字詩數  
首今猶有遺稿

奄奄一病動經春況是終天抱恨新

時值太夫人新  
憂病遂不起謀

可勝人難勝數藥能醫病莫醫貧

服葭稍差  
苦難爲繼

共捐清俸

求葠朮幾卜金錢問鬼神我亦不禁兒女態哀鳴握手

話諄諄

上方山紀遊六首

谷口村風儼太初，誅茅隨意起蓬廬。  
黃精一搗僧齋客，紅杏半肩人起墟。  
山多黃精，土人常製以餉客，亦多杏，四方爭售之。  
過午漁樵眠繡隴，近山雞犬避高車。  
盤旋石磴斜陽晚，欲赴鐘聲十里餘。

漸入嵐坳境不凡，四圍山色日西銜。  
石如拒客頻當路，花欲逃名半隱巖。  
絕壑風腥屯虎豹，危崗日黑長松杉。  
卽看巒翠當空落，一路霏微染客衫。

獨上危峯紫翠巔，芙蓉孤起接諸天。  
雙攀鐵鎖千尋直，猛躡雲梯百丈懸。  
摘星陀爲上方最高處，石梯千仞，必攀鐵鎖而上。  
聞說飛星

能變石

山有石傳是謫星所化

不應綺樹可搖錢

僧以錢掛樹振俗呼搖錢樹

衣此日成幽想小照還應手自傳

余有振衣手似圖小照

石乳玲瓏眾妙陳水雲洞裏偶潛身頓驚海上樓臺幻

不及壺中色相真

雲水洞有百餘景諸相俱備足稱大觀

漫以燃犀矜異

術直將秉燭傲前人

洞深三里許必然炬以行

陰森不敢窮諸勝元

氣淋漓透九垓

華嚴靈蹟紹瞿曇說法龍歸靜碧潭當日僧穿泉似斗

至今佛藉石爲龕

一斗泉相傳爲華嚴祖所穿有寺依絕壁僧卽於懸巖下供佛道成

跡遍三千界人去名留七十庵

上方山是華嚴所開至今有七十餘庵欲

廣異聞呼老衲畫廊珥筆著奇談

兩日溪山逸興多歸鞭容易別烟蘿袖來石乳供齋玩  
留得山圖醒醉魔喜有孤吟題臥虎山有臥虎石恨無輕騎  
上紅螺山北去三十里有紅螺巖絕勝恨未能到宦遊不改烟霞癖清夢還  
應到澗阿

兀坐

時徵兒新塲

兀坐空齋午日長愁來偏合睡爲鄉癡蠅傍暖爭穿牖  
黠鼠窺人猛出牆好句關心多潦倒閒書遮眼任荒唐  
也知叅透無生訣噩夢回頭攪斷腸

送福將軍督師臺灣

雞籠山外起蝸爭

特詔將軍事遠征海若有靈爭效順么膺無地可逃生  
櫓槍影落鼉鼉窟刁斗聲嚴驃騎營萬里

王師勞捷伐何人守土孕奸盟

荷蘭久隸版圖中兩見偏師采入雄靖海侯先成偉績

施琅平臺著端  
海紀事一書

平臺書復紀奇功

朱一貴之亂總兵藍  
廷珍著平臺紀畧

穴間鼠據穿壙勢席上軍乘破浪風七日妖氛重掃蕩

一貴之亂  
七日成功

鹿門飛報捷旗紅

仗節麾旄出

帝京桓桓金甲耀連營蒼生有賴將軍福碧海還激

聖世清萬艦貔貅爭踴躍一隅豺虎漫縱橫威聲遠振

澎湖水不待天河爲洗兵

連朝七次承

天語前席疇咨拜

寵多

公赴熱河兩日七次召見授方畧

乘傳緩驅西極馬放洋

親賜右旋螺

上親賜右旋螺渡海可禦風濤

風吹鼙鼓秋方勁月照帆

檣夜不波自笑書生叨侍從但看珥筆和鐃歌

秋郊

老樹瑟瑟秋風翻薄遊聯騎城西門榜人匝岸刈荇藻  
田父繞屋呼雞豚活魚近躍白蘋渚濁酒遠沽黃葉村  
歸途鞭馬馬影亂落日下照天黃昏



試馬

鼻端出火耳生風走馬長楊顧盼雄  
日下未馳千里足天涯誰數貳師功  
龍媒遠溯流沙北鐵騎新來大漠東  
漫道書生無臂力一番駕馭壯心同

行空天馬脫羈勒駕我如坐雲霧中  
茂林豐草沒短影左旋右抽爭長雄  
燕昭臺上骨已朽伯樂眼中羣復空  
驕嘶重汝鐵蹄蹀千里百里誰能窮

習射

廿年不角穿楊技此日偏深見獵心  
莫笑雕蟲北窗下翻然射虎南山岑  
螭頭待漏慚彤管雀尾搖風羨羽林

屈指春蒐叨侍從僕姑聲裏短長吟

習射示同人

綠楊紅杏舊遊處日日日斜飛僕姑猿臂我應輸善射  
虎頭人不解操觚當年倚馬推佳士此日雕蟲愧壯夫  
莫笑封侯無骨相班生投筆是良圖

偶成

健筆快馳千里馬奇書飽飫五侯鯖交情竿木逢場戲  
世路褒斜掉臂行何處短衣殲猛虎不須赤手搏長鯨  
詩淫左癖年來慣遮莫人呼阮步兵

臘盡立春日偶成

連街擊鼓笑爭牛一夜東風歲復週梅雪精神餘臘尾  
杏花消息卜春頭勉澆白酒詩腸窄苦抹烏絲字債稠  
親餞年華三十六雙丸出沒等傳郵

### 守歲

不知今夕竟何夕頓覺詩情勝宦情生計漸於書有債  
頭銜合以墨爲卿一盃自飽先生饌浮世難爭處士名  
喜薦椒盤酬晚歲梅花聊敘隔年盟

### 放歌

何人射虎北平北有客截蛟東海東涿鹿城邊戰場古  
黃金臺下驥羣空頽波怒嚙石子母落木驚撼風雌雄

書生憑弔氣齟齬懷鉛握槧徒雕蟲

四疊研露老人韻

王程隨處託行蹤辛苦禪房膝自容薄宦人前羞作客  
浮雲天外不成峯敢拋舊業書隨劍莫問荒園菊伴松  
多少好山看未盡空勞走馬當支筇

次韻答閬峯

草樹縱橫鳥道新獵場奇境到方真黠奴膽壯供驅策  
老馬蹄攢識苦辛望遠亦添騷客思馮河每試宰官身  
篝燈細寫平安帖多恐傳聞誤老親

灤陽九日登高

招邀勝侶陟崇阿欲餞黃花一放歌落葉紅時閒客少  
夕陽佳處遠山多長空渺渺翔歸雁大野茫茫湧塞河  
莫負壯遊灤水上聊舒清興寄烟蘿

僧官帽上暮雲平羅漢峯頭雨乍晴萬戶烟開屯紫塞  
五方人聚作周京扈遊倍發題餽興旅舍偏尋載酒盟  
多少好山看不厭分無邱壑到公卿

蒙 恩簡授內閣學士恭紀二律

幾年璧府忝遨遊聯步花磚

寵已優將畧未嫻輪燕頤奏書首舉愧龍頭

時有保薦副都統之

命公中堂廣庭先生首以保名入奏

方期玉塞持邊計不分綸扉伴坐

籌

共舉二十一人先以八人辦事而保得轉內閣學士真

簡赴新疆如此

殊恩真破格涓埃難盡一生酬

樞密深嚴策近臣班隨玉筍競嶙峋

詔試滿洲內班出身翰林共九人

於軍機堂保以外詩將心語傳

天語賦以敷陳當自陳

試詩賦各一保俱寫當日考試實事及已出身不敢過事鋪張

也叨試

御題雖兩度晉膺

寵秩祇經旬

欽試二次臣一時顯擢遂

宸鑒慚愧循名欲核真

賦題為循名責實

西郊紀遊

西郊走馬動豪興欲雨不雨嵐光清薄暮林中障火繖  
乍陰天際迷銅鉦三家兩家釣竿立十里五里荷香迎  
罷遊歸去興勃勃梯雲更擬西山盟

經西山廢寺感賦

荒涼祠宇此經過人去空庭鵲有窠白草迷離陳蹟少  
破牆顛倒亂碑多燕雲漸促嗟財盡客魏雖誅奈政何  
一洗烟塵歸淨域龍飛冀北足  
恩波

環谿別墅看荷花作

環谿堂上烟雨濛環谿堂下春波紅青蓮香接御河北

碧沼派引昆明東高眠但覺世塵遠著體不知花氣融  
秋風又逼納涼候主人不歸菑菑空

書近況

學書學劍兩相宜扈從灤陽近有期繞屋黠奴搜敝橐  
當階怒馬噉空箕居停漫卜三秋約行李先增一硯隨  
客去篝燈眠不得奚囊猶有未完詩

扈從避暑山莊道中步朱春山孝廉韻

雨餘花趁驢蹄蹠蹠平原路又西山徑草肥藏野雉  
關門地迥叫天雞登高屐健詩情勇短後衣輕馬骨低  
莫負良遊邊塞外每逢佳處合留題



寄弟閬峯

消息茫茫託塞鴻  
旅懷無邨亂愁攻  
半生苦病艱難後  
一藥溫涼喜懼中  
心有旌搖忘日夜  
官如匏繫任西東  
京房縮地真無術  
羅漢峯頭望眼窮

就養移家感至誠  
頻頻筆札慰遙情  
王程未盡難將母  
子職愁虧況代兄  
勉赴石渠參寶笈  
不須雁塞憶雲旌  
山莊會有瞻

天日擬揭烏私達

聖明

後於 召對時奏明  
蒙 恩旨賞假歸省

古北口道中雨

石磴盤旋

輦路通極天嵐翠鬱迷濛秋垂廣野雲陰大雷入空山  
雨力雄灑水遠衝沙磧外長城高鎖翠微中年來朔漠  
經遊慣喜趁新涼控玉驄

懷舊十首

童湘岩夫子

束髮從遊細柳營百年天地幾師生湯盤禹鼎供研索  
月窟天根見性情百里才非容小試千秋業在近無名  
師仕翼  
城令康成老去笙歌歇腸斷天風蹴海鯨

趙北溟夫子

兩度都門侍講筵於今喜接孝廉船青雲事業餘雙壁  
白髮功名老一瓊洛下生徒惟我在天涯詩賦幾人傳  
執經授受垂衣鉢鄭重門牆桃李邊

福松岩將軍

遼左風流藉主盟幽燕老將氣縱橫不聞大樹將軍號  
徒博空山處士名風雨秋深時看劍關河地遠夜談兵  
酒酣自拔詞壇幟無限金針度後生

恒益亭宮允

北堂爭著彩衣行廿載通家弟與兄君去夜臺申孺慕  
我從苦塊覓餘生詩名世久推中允書法誰還繼墨卿

梅庵詩鈔

卷四

十

恒字墨卿官職漸高交舊盡蓬窗無夢敘班荆

劉虛白冠軍

蕭騷華髮對吳鉤  
白眼看人老不休  
苦憶封侯輸燕領  
傷心交友失龍頭  
維揚棹冷波濤息  
燕市歌殘草木秋  
醒酒西郊徒悵望  
墓門苦雨叫鴝鵒

善眉濱員外

吏部文章海內珍  
便便腹笥紹先民  
青年知己恩情篤  
再世論交道義真  
落拓書遺傳世業  
彌留詩勉亢宗人  
潞河曾共吟秋水  
迴首東郊跡已陳

德定圃宗伯

大雅凋零歎逝波樂賢堂冷足悲歌耆英領袖超千叟  
宗伯門牆盛五科奎壁光寒遺藻續辟雍風古記觀摩  
我來不盡人琴感客散閒庭雀可羅

瑞芝軒閣學

一日詩名徧大東曾傳天語到朱蒙馮唐易老才難恃  
伯道無兒命始窮驥足未馳千里濶龍文空負萬夫雄  
吉光片羽悲零落檢盡奚囊錦字空

圖時泉閣學

萬里星輶跨岱雲崢嶸巨筆張吾軍山空風雨沉蘇嘯  
月黑松楸哭鮑墳政府地高思點筆玉樓天遠悵修文

遺孤卓犖爭頭角看取才空冀北羣

德樹堂司業

會同

別殿賦陽春藝苑爭傳第二人易簣未編吟篋富葢棺  
才識宦囊貧金閨客散詩難和蘭譜人稀誼更親稍喜  
生徒滿京洛衣冠衮衮拜成均

卽事

白雲瞻望淚沈瀾嚼蘗肝腸強自寬愁裏逢春驚老至  
中年生女作兒看宗圖欲譜成家乘祀典仍虛媿禮官  
更有佳城營未得數椽擬構闢荒寒

攤飯

攤飯繩床午日橫  
菜根餘味戀書生  
一盂未飽侯鯖飯  
八口同分骨董羹  
熱客有時驚水厄  
閒官無事學蝸爭  
黑甜鄉近烏衣國  
避得詩盟避酒盟

贈友

落拓名場未有涯  
周妻何肉累頻加  
喜從白傅分鱗爪  
肯向元暉藉齒牙  
湖海氣高身獨臥  
溪山興遠夢無家  
顧郎自是難衣食  
白屋青燈髯已華

緇塵浣盡素衣輕  
抱影空齋擁百城  
僕愛詩依蕭穎士  
客逃名喜蔣元卿  
三餐自爨長腰米  
百罰頻澆折腳鐺

老矣青瑣真故物雄飛雌伏各忘情

春夜

北斗崢嶸鑑薄帷讀書聲緊漏聲遲烏啼偃月初暝後  
鼠竄枯燈欲跋時壯志漸隨春夜老苦吟未許硯冰知  
放翁詩卷嗣音少後五百年狂者誰

雨中過鄒縣望嶧山作

嶧陽千仞鬱崔嵬雨濯芙蓉面面開碑碣字消秦帝後  
風雲氣擁岱宗來山川地有參天勢鄒魯人多曠世才  
我欲登高縻使節隔溪空翠濕龍媒

懷弟聞峯



卅載聯床守一經天涯同賦使臣星江湖地近忘鱸膾  
遼瀋人歸念鵲鴿望海樓頭君駐馬雨花臺畔我揚舲  
雁行飛過瀟湘北愁聽離音下遠汀

臨江樓和壁間韻

題詠最多夢午堂介景庵雙  
有亭朱竹君諸先輩皆有作

舍睇危樓接遠空白門烟靄望難窮無邊蘆荻秋風裏  
不盡江山暮雨中水落魚龍移岸近天高星斗上船紅  
座間詞客嗟難繼檻外峯青曲已終

重登臨江樓

倚杖重登百尺樓六朝賸蹟此淹留秋懸野色迷沙浦  
天縱江聲到石頭萬里牙檣通轉運千尋鐵鎖斷戈矛

不堪更問金陵事玉壘浮雲起暮愁

登攝山最高峯

危峯削劣千巖外瘦削芙蓉入渺冥  
龍虎氣蒸鍾阜白金焦影蘸海門青  
時平莫問山多隱僧老方知藥有靈  
欲訪江郎舊亭館碧雲紅樹幾飄零

恩許棲霞半日留翠屏丹嶂足遨遊  
雲中巨壑陰長合天外澄江穩不流  
千佛巖深屯虎豹六朝松古變龍虬  
誅茅更羨張居士買得名山老一邱

雨後

攤飯繩床自下簾午晴箕踞對牙籤  
盤蝸循壁時穿牖

鬬雀翻巢偶入檐靜後琴書緣未解閒中筆墨債應添  
銅鉦漸上庭陰少散髮高齋爲避炎

幽棲

幽棲白屋事丹鉛茶鼎香爐結靜緣書到心忘方合法  
詩求人愛已非禪新蟬穴地閒遺殼老竹翻階臥引鞭  
消得日長清興足公餘仍戀舊青瑣

夏日漫興

曠月披雲興未央炎蒸難避黑甜鄉聚頭扇狹迴風緩  
夾註書多引臥長蟹眼偶烹湯已活烏絲小試腕仍僵  
微雲乍起銅鉦隱薜荔陰濃下粉牆

露坐

殘暑如蒸懶下幃  
碧梧庭院掩重扉  
更深扁蝠投簷舞  
雨後秋螢貼地飛  
璧月光涵山水濶  
銀河浪蹴斗牛稀  
吟餘冰簟宜高枕  
悞入華胥夢亦非

望華不注山

危峯鐵立勢嶙峋  
瘦削芙蓉濟水濱  
嶽麓岡巒通地脉  
海天風雨變秋旻  
齊師戰已迷陵谷  
李白詩猶動鬼神

華不注山詩首  
鐫太白之作

搔首丹梯登有日  
招邀多士躡清塵

縹緲摩笄古霧濛  
虎牙千仞插高穹  
文章有待搜羅後  
山水先歸鑒賞中  
七十泉多疏瀨氣  
六千卷合驗雄風

並銳刮處餘青眼拾級單椒瞰大東

濟南關中作

大明湖畔佛頭青天影遙涵歷下亭北去靈源環岱岳  
東來雲氣接滄溟逢時人擬登龍客近海天移好雨星

余八月抵歷城連日陰雨

七十二泉清可濯臣心如水合淵渟

關中與遠山同年話趵突泉之勝用松雪韻

七十名泉近有無潺湲趵突激冰壺翻空爲訝坤靈坼  
鄰海寧愁地穴枯鼇窟千尋韜日月靈湫萬里達江湖  
試餘快領溪山趣雲影波光興不孤

又用曾南豐韻

地近名泉留使節滿懷冰雪滌埃塵心源瀉玉原無滓  
學海探珠合有真長白峯頭雲似墨大明湖上月如輪  
高懸青眼看文戰排突雄風剩幾人

濟南關中聞弟闖峯典試順天喜賦

棘院遙傳

寵命頒賓興典重喜追攀一時夢合關河外兩地文衡  
伯仲閒老驥君應空冀野荒莊我欲徧齊山挑燈苦憶  
聯床夜頭腦冬烘幾汗顏

灤陽道中用朱楠臺及門韻

六龍夾道下檀州大漠烟荒草木稠天外渴虹垂雨脚

日邊怒馬蹴雲頭人依羈帳都忘暑地近關門易作秋  
千古荒涼爭戰地莫敲農器問戈矛

南天門啓枕層巖地接雄關控八垓朔漠奇峯環紫塞  
燕雲灝氣束金臺半灣路轉千巖合一綫雲分萬馬來  
辛苦書生文弱甚也隨星騎上天台

折戟沉沙猿鶴驚當年戎馬舊縱橫成平自足千秋業  
中外誰分萬里城門架虹橋溪水靜嶺開蘿逕暮雲平  
笑看警

蹕當關客立馬高傳叱馭聲

時派管御道

聯床對雨當年事此日同行儼彙征

輦道關防協昆弟宮廬禮數脫師生四圍巒翠侵衣濕  
一路山花照眼明屈指樂陽經六度溪山奇氣入歌行

白屋

白屋蕭閒早放衙懷鉛握槩與猶奢樹飄凍葉低垂榦  
菊攬霜根晚作花黃卷不遺新歲月緇塵難浣舊風沙  
蝶床未穩遊仙夢窗竹聲搖日影斜

喜澣亭司寇自回疆歸

八載回疆秉節還塞風吹老舊朱顏交情未盡寒暄外

恩命旋移指顧間

時少寇闕人已署保名旋改澣亭以召對稱旨此日

天顏看獨喜當年薦簡笑同班連朝待漏依青瑣憶否



龍庭毳帳間

髫年僧舍競分陰卅載誰能返故林  
交舊半多南悔客  
居停不改去來今  
名心盡後耽書卷  
倦客歸來解劍鐔  
莫向楞嚴叅活法  
雪泥鴻爪跡難尋

春日

庭陰冉冉影初斜  
攤飯繩床興亦賒  
矮屋留春如中酒  
薄寒吹雪不成花  
夢貪餘味神多懶  
吟到忘情手自叉  
如此閒官消永日  
不應清鏡髻仍華

立夏日作

徙倚奎垣風日清  
南堂迎夏序初更  
雨分小陣吹花晚

春閨餘寒入夜輕匝月唱酬勤得句

時與諸同事倡和最夥

頻年

貢舉偶題名

余三知貢舉館於東堂題額以志不忘

詔恩更許搜羅廣

是科恩廣中額

快覩泥金出鳳城

次及門程禹山韻

不獨詩成動鬼神文章契合座生春  
韓潮蘇海遙聯社薛鳳荀龍近結隣  
珊瑚網珠遺原有數金鑑鑑定豈無真  
莫傷李杜孫山外久矣科名誤後人

荒齋徑僻長莓苔客喜天涯問字來  
名士浮沉多感遇大江南北竟遺才  
扶搖暫惜豐毛短衡鑒終逢鉅眼開  
未必長安居不易幾多真驥到金臺

五月廿一日微雨偕及門吳山尊程禹山西郊散

步偶成長律

輕陰薄靄趁閒身，聯騎西郊踏軟塵。  
天外雲如倦遊客，雨中花似獨醒人。  
放懷世事功名遠，畧跡師生意氣真。  
到處磨人惟筆墨，僧齋小坐索書頻。

齋居

一齋新闢室盤蝸，退食蕭閒早放衙。  
舊雨難通前度客，好風先綻及時花。  
雲多變態吞蒼狗，暑不侵人抱冷蛇。  
莫羨朱門歌舞地，幾人夢裏當還家。

雨後用前韻

薜荔陰濃長壁蝸避炎人早散官衙蠅頭小試初開筆  
鴨嘴親鋤手種花漫向長空看退鷁誰從巨壑挽奔蛇  
隱囊倦倚書遮眼涉獵無心過百家

閒居效放翁體

清況誰能近薜蘿堂堂歲月等傳梭身因官累遊常懶  
詩欠人攻病漸多老屋牆空翻鼠竇低簷瓦近墜蜂窠  
晚涼一枕桃笙滑又檢閒書引睡魔

春日用去歲花字韻

裊裊晴絲趁雨斜夢迴蕉鹿興還賒雛鶯向暖爭遷木  
老樹經寒嬾作花高臥不須樓百尺孤行休問路三叉

百年天地春如海誰遣霜風入髣華

出郭

驂徑輕塵趁馬蹄綠莎平處認村蹊十分春雨如膏潤  
一夜新苗似浪齊青草湖邊魚戲藻烏衣巷口燕爭泥  
園林勝事田家足我亦西郊學把犁

易州寓中

蕭蕭易水尙寒聲廿五年中幾變更故老相逢無近話  
舊遊重到似前生當時馬上看公子此日街頭問禮卿  
惟有鬢眉驚老大金臺回首不勝情

坐易州鎮署

靈輅歸去憶攀轅卅載誰能感舊恩故事無徵諸將散  
素風未改老兵存幾多枯樹埋荒圃依舊青山對戟門  
共說仁人今有後爭看餘蔭到兒孫

次韻寄懷奇麗川中丞

吉光片羽寄吟箋坐擁高牙古戍邊一路花開秋入塞  
數行書到雁連天蒼茫大漠疑中土瓌麗新詞比少年  
好住嚴疆籌遠畧莫教壯志不如前

曾駕吳淞一葉舟棘闌酬和到中秋文章我媿歐陽子  
功業君爭定遠侯鍾阜政聲閒處見金焦山色夢中留  
喜看異域功成後政府題名尙黑頭

哭阿文成公二首

傷心元老謝朝班廿載包容近斗山  
知己情深貧賤日感恩身到死生閒  
蕭曹事業垂三輔褒鄂功名振百蠻  
易簣未忘君國計猶留遺疏濟時艱

昭昭國史信堪傳欲擬汾陽作比肩  
名並日星朝野勩功兼將相子孫全  
三登麟閣垂遺像兩與耆英冠大年  
我媿龍門叨一顧愁將面目玷班聯

寄懷粵東學使恭蘭岩閣部

春明舊雨悵離羣渺渺龍江重憶君  
定有新詩傳粵海豈無歸夢到燕雲  
五羊城古蠻烟合百越山荒鳥道紛

好訪襄平老詩伯

謂甘道淵現官象岡司巡檢

天涯白首共論文

不爲官清俗慮獨孤行合與我周旋非關風雨懷同調  
漸覺交親減少年南海宗工名早播容臺貢舉

命三宣相期莫負儒生業勉證初心卅載前

### 法源寺看花并贈羅兩峯二首

法源寺裏趁香塵勝友招邀際令辰一歲莫孤修禊日  
百年幾作看花人松篁響合笙竿奏蔬笋香逾水陸陳  
茶罷閒階尋妙蹟靈芝書古墨痕新

蕭騷蓬鬢駐京華猶有閒情學看花此日僧驚頭似雪  
當年身藉寺爲家

兩峯自言卅年前曾寓寺中

談空欲廢書千卷燭



怪還增鬼一車詞客畫師都莫問拚將爛醉作生涯

次韻李松雲同年二首

卅年形影笑相窺不合蒼顏吐妙辭壯志無憑間後覺  
心交有幾別方知緬懷燕市高歌日苦憶巴山夜雨時  
蘭譜漸疎君又去關河惟許夢相隨

憶別江南又七年吳山越水兩茫然鬢眉漸已同斑白  
蹤跡誰能問大千使節居停存古誼宦途萍水誌前緣  
涉江重有論文日好寄新詩續舊編

夏日

冰簟繩床適燕私小園長日足棲遲翻書恰趁迴風處

種竹剛逢釀雨時有限禽魚供嘯詠無邊風月入襟期  
容臺清況誰能及莫引霜華到髭絲

右遷少宰感懷一首

少宰恩叨

寵命頒強排愁緒作歡顏十年勢異堂司外一座心傷  
伯仲間藤署花依青瑣綴鶴廳人羨錦衣還拚將風月  
增談趣回首容臺意更閒

除夕感懷

荆樹彫殘逼歲除孤懷渺渺正愁予亢宗我獨承先祀  
猶子誰還讀父書時去那堪椒作頌悲來惟覺雪盈梳

思親更觸鴿原慟一夜聯床夢有餘

已未中秋

余年來中秋凡典試三省一江南一山左一順  
天餘則有扈從灤陽之役今歲蒙

恩調補陪京又非復曩時景況矣行蹤無定歲月屢更  
詩以識之

江南山左路茫茫此日中秋又瀋陽幾度衡文依鎖院  
頻年扈從到

山莊陪京地厚風多古司寇官嚴筆有霜到處關河共  
明月莫將桑梓問他鄉

憶故園梨棗

故園梨棗壓霜條佳實無由寄  
潘邠鄉味最宜閒處憶  
旅懷難藉醉時消客如桃李  
人多散畫作林泉跡亦遙  
恰喜一官桑梓地白山風景  
慰無聊

元兒六歲解問字頗有德色戲識以詩

元暉欲步阿章塵識得之無解  
傲人奇想每探修月手  
無懷直作葛天民庸庸豈種  
前生福渺渺誰通宿世因  
不望公卿到豚犬讀書有種  
足怡神

九月初二日

太上皇帝梓宮奉移

臣

鐵保以

留都司寇不獲隨班恭

送詩以誌勸

山莊珥筆識登臨此日無由扈

羽林千里

橋山揮遠淚十年宗伯負初心

保任少宗伯時常將大

敬謹存貯迨

龍馭上賓保調任

事例案彙爲一冊交司

少宰不獲恭襄

典禮至今爲恨

將近遼瀋蒼生望

澤深勉矢臣心如水白

九重偏殿紀

綸音

瀋陽寓中

瞥眼秋風落帽辰雲亭匏繫苦吟身增來白髮如前日  
看到黃花似故人短後衣輕宜馬健長腰米賤忘官貧  
迂疎更切民岩畏京兆誰寬五日新

大婦同行少婦隨客中家室鎮相宜共依遼海桑麻地  
不作長安兒女詩舊雨音書裁未遍故園梨棗寄偏遲  
退衙不改臨池癖春蚓秋蛇興到時

庚申清明

幾番花信到清明屈指淮陰序又更丙舍隔年縈遠夢  
榆關迴首憶遄征

去歲是日  
出榆關

身經吳越詩應老天近江

湖雨易成恰喜軍儲占利涉坐看飛挽赴

神京

舟中讀馮星實鴻臚箋註蘇詩寄懷二首

十載春明舊雨疎傳聞霜鬢近盈梳生當

聖世難歸隱胸少窮愁合著書儘有蒼生思醉飽不應  
閒況辨蟲魚

九重日下求賢詔未敢容君臥里閭

坡老遺編注已精白山詩尙費經營坐忘一卷丹鉛力  
耳熱千櫓挽運聲有客湖邊嬉野鷺何人天外禦長鯨  
拘墟自笑無他技林下欣看起勃平

泊彭口晚眺

解纜維舟傍閘門  
閒躋培塿望河源  
千章夏木排雲黑  
一派明湖捲浪渾  
奕世津梁超海運  
漢家湯沐入荒原  
不須夏鎮虞餬口  
指日軍儲萬寵屯

夏鎮舟中

夏鎮初過日已曛  
明湖一片路中分  
近溪農盡諸魚性  
隔岸山多帶水雲  
轉漕昔曾留宦蹟  
大王廟有楊清恪公祠  
治河誰更建殊勲  
傳聞秋汎波光險  
莫聽人隨鷗鷺羣

舟中漫興

輕陰薄靄撥雙橈  
迴首蒲帆去路遙  
大野雲歸沉雨脚  
平湖水滿長魚苗  
踏波兒戲闌齊語  
牽纜人歌雜楚謠



我亦濠梁耽野趣旅懷還藉壯遊消

蕭蕭蘆荻運河邊挂席剛逢釀雨天村口路淤淀野潦  
湖心草長變桑田壯懷欲擬歸飛鶴宦況真成不繫船  
畏說炎歊能爍骨泥人火繖照晴川

魚臺舟中

湛湛天光蘸雨濃南陽湖畔草葱蘢溪通野水成三岸  
雲過遙山補一峯遊客沙鷗情冷落退飛彩鷁跡從容  
宦遊不改濠梁趣潑眼烟霞到處逢

登太白酒樓

高樓高並女牆垂百尺樓空繼者誰天上有星堪命酒

人間無客可談詩  
杜陵破屋迷秋草  
賀監狂名剩斷碑  
一代文章天作合  
謫仙祠枕古南池

我亦高歌性不羈  
每逢名蹟輒留題  
階前野水分洙泗  
檻外青山變魯齊  
作宦初依淮市北  
浮家又到鄭橋西  
分無好句追先達  
鴻爪憑誰認雪泥

題黃小松小蓬萊閣看碑圖

我來坐小蓬萊閣  
如入米家書畫船  
古搗心迷蟲鳥跡

殘詩淚灑鵲鵲篇

圖有闕峯弟題句

半生性命留金石  
垂老功

名利槩鉛自笑迂  
疎真好事數題小  
字附前賢

天津道中寫懷四首

汪洋巨浸逼城頭  
險見津門付濁流  
到處村墟都減竈  
一時陸路盡通舟  
錦帆莫問魚鹽美  
玉粒難期禾黍秋  
已溺已飢關

聖慮濟時恩命急傳郵

詔截漕糧六十萬泊頭鄭口與天津

一人力舉救荒策  
八口全資守土臣  
會見魚龍歸海上  
莫教鴻雁泣江濱  
西風轉眼能銷骨  
愁對號寒枵腹人  
舳艫如泛海天秋  
絳纜難施去不收  
幾見瘠飢能退趙  
不圖缺岸竟吞舟  
軍船浪阻行糧竭  
村市年荒食物浮  
更慮霜風凍河腹  
催歸日夜費持籌

經年力疾挽軍儲往返舟行六月餘猥以兼程僭時日  
竟忘附骨潰癰疽

九重恩重難言病一事無成亦媿余勉振精神謀  
國是再籌新運到淮徐

與韓旭亭話甘道淵事次韻寄懷

秋風秋雨雁連天不到西山又十年泉石過時成逆旅  
茱萸迴首憶芳筵宦途地作萍蹤合故友身無金石堅  
莫問十三山外史元暉難繼阿章顛

十三山外史  
道淵自號也

自題臨榆望海圖照

并序

己未之秋余由盛京刑侍再調少宰挈眷屬入

山海關艷臨榆海天之勝輕騎往觀至則車騎  
塞途內子已攜元兒徘徊於雲影天光之外相  
視大笑余喜其意氣豪邁乘風破浪之想竟得  
之閨閣中有非尋常流輩所能幾及者辛酉三  
月芙蓉山人華君過淮屬爲補圖以識勝槩他  
日解組歸田白頭舉業燈前月下歷數壯遊亦  
足增一時談助元兒其善藏之

山川氣擁古臨榆駐馬堪描望海圖巨浸無從辨中外  
壯遊有幾挈妻孥茫茫雲影隨時變點點齊烟入望無  
我欲攜尊酬海若長風萬里捲衣襦

登臨一笑接蒼茫却喜元暉侍阿章自古神仙攜眷屬  
不妨山水入奚囊閨中尙有觀瀾興我輩寧無駕海方  
好趁長河籌挽運不須迴首歎望洋

興復淮安義學感賦

四塾荒涼憶遂初堂留秋禮更愁余吾徒作養耕桑外  
名輩風流絃誦餘移俗敢期千古業濟時端賴數行書  
聖功都自童蒙始莫負迂生起廢廬

辛酉歲杪言懷

時年五十

星星華髮上朝簪五十年光幾醉吟一事難償惟筆債  
半生未懺是名心拘墟漫問千秋業倔强終輸百鍊金

快說壯遊名勝地枚臯宅傍古淮陰

漫作幽燕老將看卅年前已笑登壇學疎每咎科名早  
任重方知富貴難未起樓臺供嘯詠多栽桃李徧寒酸  
官分中外無殊味消得磨人墨一九

清茶淡話幾幽盟不覺高歌歲又更多病未嘗遊宦樂  
善忘每悔讀書生散衙久曠消寒會投老偏增餞歲情  
稍喜編成桑梓集十年心事答承明予編入旗詩成集後敬呈乙覽

淮甸風清偶建牙敢將爛醉作生涯老懷對月難勝酒  
倦客逢春怕見花縮項鰻多頻入饌長腰米好不須賒  
百年強半叨溫飽合有新詩謝歲華

讀程禹山冬夜雜感詩情見乎詞卽次元韻廣之  
旅館淒清醉不眠枯燈擁鼻興翛然非非想落三千界  
兀兀腸迴四十年落拓詞場休問數安排名士竟由天  
江湖多少飄蓬客若箇能撐逆水船

莫漫攜詩問渺茫才人偃蹇幾心傷文章未救馮唐老  
湖海誰悲阮籍狂得失不關真理學浮沉無準是名場  
試看草野聲名貴華袞榮輪薜荔裳

槎枒瘦骨一裘單獨夜誰憐草閣寒杜甫才高猶夢白  
孟郊詩苦尙依韓黃塵十丈埋愁易廣廈千楹庇客難  
我不冬烘君命蹇空垂青眼背人看

王予典試禹山卷  
已發刊爲本房所



情之  
橫至今

相依袁浦又春暉留伴官衙欲解衣千里驂騑看捷足  
九天鵬鷃待高飛情懷卓犖存吾是臭泔差池與俗違  
一語芻蕘堪聽取窮途有淚莫輕揮

冬日約諸同人雅集已定期矣因有揚州之行詩

以代柬

佳日空占聚孟韓一帆小別散吟壇乃知天下布衣貴  
益覺人間清福難定有新詩誇月露且留餘勇到寒酸  
此行更道揚州好趕得梅花趁雪看

寄同社諸君子

詞場邂逅拈吟籌老我顏唐興尙道四座春風酬臘尾  
一帆明月上吳頭飽看璧社湖邊柳小別枚臯宅畔樓  
歸去奚囊無長物新詩題徧廣陵秋

登焦山最高閣

佛光面面湛鴻濛浮玉巖高四望通京口峯巒迎檻碧  
海門日月浴波紅山如有姓人何在鶴不留銘色本空  
自咲浮蹤容小住雪泥鴻爪記飄蓬

題徐心如觀察秋屯夜月圖照

漢水欃槍埽未平書生多爲請纓行深山大澤屯豺虎  
苦雨淒風對甲兵幾處狼烟催轉戰一天狐火照移營

狂歌馬上彈雄劍，刁斗聲中月不明。

文章政事兩相須，始信吾徒術不疎。  
傳檄早驚籌筆驛，探囊還貯治河書。  
旬宣績奏惟師古，挽運心勞更助余。  
爲憶秋屯今夜月，荷戈人尙望軍儲。

題鮫門先生三好圖卷

一榻茶烟認故吾，少年心事半模糊。  
詞場舊夢騰旗鼓，繡閣餘香省畫圖。  
解脫真輪前輩早，風流還笑後人粗。  
歌闌醉把殘書卷，欲識平生一事無。

東昌道中對月

計日歸帆及暮秋，銀蟾光潔送行舟。  
座中醉客披星臥，

天外長河入漢流笑對周妻與何肉頓忘楚尾是吳頭  
一年一度東昌月照我浮家泛宅遊

梅庵詩鈔

長白鐵保梅庵著

五言排律

喜聞金川捷報十四韻

寥廓清烟塞  
卽籠敢抗威  
百年兵氣盛  
萬里捷書飛  
傳檄殲窮虜  
登壇決勝機  
奇謀叅虎幄

神畧下龍關踴躍

天王旅風雲  
大將旗霜鋒  
森電影雪甲  
燦金輝應鎬妖  
星墮迎戈蟻  
命微輒窮鱗  
莫遁窟掃夷  
無依石卡屯  
陰黑堅碣冷  
夕暉魂遊索  
諾木席捲勒  
烏圍露布搖  
風發

刀環戛月歸獻俘功有等錫爵數真稀血戰酬多士干  
城讓坐揮爲慙百夫長章句漸知非

登古薊門二十四韻

是日同遊者爲甘道淵恒  
益亭德樹之及弟闔峯

走馬荒城路行登古薊門秋聲來大漠暝色赴平原碣  
石通邊塞居庸列鎮藩嵐傾天壽遠雲聳翠微尊密麓  
排陰黑長河卷浪渾涼沙飛廣陸炊火出遙村銅馬名  
誰屬幽都跡尙存女牆餘敗壘烽堠但荒墩月暗城狐  
語邱空穴鼠蕃白楊環廢宅黃葉擁孤墳驚犬尋人吠  
歸鳥掠社喧況當風已古更有客停軒瀟灑虛亭坐蒼  
茫夕景屯科頭客鵠立藉草快猿蹲筇瘦披蘿入茶香

聚石爇放言開地軸奇語躡天根力健矜頤養詩窮笑  
素殮興從岩雀舞醉逐嶺雲奔翹首瞻

宸翰遐心望紫闈官閒分野趣俸省足清樽勝蹟留燕  
趙良遊協弟昆長風來萬里逸想接崑崙

觀搭涼棚作

百尺竿頭戲騰騫實駭余梯雲寧得路緣木若求魚人  
快超塵後身驚累卵餘形骸矜放浪手足笑攀挈特立  
無標準行空總踏虛偶然高位置猶是借吹噓簷雀叨  
餘蔭盆花接近除納涼人可遣揮汗爾何居虎尾危先  
試蠅頭利未儲轉蓬無定所吾且愛吾廬

序宗譜二十韻

翕闢開鴻運風雲響應神

一王垂正統百辟列功臣

龍馭天心合鷹揚士氣申覺羅延世胄

余家舊譜姓覺羅氏後改棟鄂

蓋覺羅爲彼時尊稱非與天潢同派也

棟鄂聚朝紳帷幄持籌密邊疆戰

陣頻椒房瞻

后德主第締周親俎豆春秋盛旂常奕葉臻箕裘推右族瓜瓞紹前民麥竇名難假炎黃籍有真無須嚴號郭久矣辨伶倫爵里藏金券源流謝告身譜猶編甲乙派豈隔朱陳合爨炊煙積通巢鳥雀馴大疏能讓富小阮



莫憂貧末屬慙余拙承先繼俸緡科名殊將種伯仲冠  
儒巾漫訝頭銜改翻思隱德淳戚單恩有殺繼別序堪  
循好續倉曹志同爲奉祀人世驚王謝貴吾計姓名湮  
遼海宗風遠

陪京世澤均山川奇氣在一溯混同津

奉勅纂八旗通志恭紀二十韻

東海乘

鴻緒中天跨遠圖八旗崇制作千載樹規模戡亂韜鈴  
古修文禮樂敷率由行有準沿革治無殊重以從龍彥  
抒爲幹

國謨風雲欣得會魚水本相須薄海征塵息蒼生壽命  
蘇事功推列辟章句失通儒久席成平業寧忘締造劬  
三營麾將畧十萬握兵符大閱貔貅合秋蒐虎豹驅教  
方延學舍賞復賚官租嫺睦風如昔繁華俗不趨問家  
堪數馬生子合懸弧久澤詩書化都無山澤癯文鶴騰  
上苑祥驥躡

天衢舊典誠皇矣新章益煥乎雄文驚測海末學恥操  
觚博采傳間陋條分筆視燕一編忘夙夜鉛槧効區區  
纂八旗通志名臣傳二十韻

一代興王會英雄闢草萊功名登柱史勲業上麟臺助

命規模闊開基著作恢分旗聯異姓撰字仰鴻裁拓地  
軍聲肅來賓敵愾摧長鯨翻雪浪天馬下龍堆大樹千  
秋號長城萬里才探韜披虎豹列陣走風雷授命消羣  
醜專征弭後災鬼神隨響應寰宇靜喧阗一統車書盛  
中天日月開金甌陳御座銅柱勒雲隈六相叅機務三  
公列上台文章清廟選風度曲江推吏著循良效邊儲  
禦侮材任賢功有等立傳體能該珥筆當清畫編年紀  
麝煤嘉猷懷將相末學恥鄒枚祖德堪同繼家聲願共  
培勉爲名世業或勝讀南陔

書東堂唱和集後二十韻

鎖院清嚴地東堂唱和頻文章標碩彥職志策儒臣  
月關防密三場禁令申政閒心似水友近德爲隣  
少宰聲名大霜臺著作新食單供夜膳官樣脫朝紳  
笑牒徵微妙言筌入雅淳攜行常命侶留坐疊呼賓  
偶寫登高詠曾無落後人黑甜忘永晝白戰起清晨  
決勝張旗鼓搜奇動鬼神孤懷欣有託險韵苦相循  
山水酣幽夢鶯花餞晚春漫驚聞見廣差喜性情真  
牋擘千番錦囊探一字珍壯心同卓犖深語獨艱辛  
官舍增閒況良朋集令辰莫孤風月好誰計姓名湮  
大雅慙余拙名章羨客醇敢貽後來者驤步軼前塵

題趙味辛中書世德詩十二韻

千古功名地榮枯兩莫憑是非懸草澤功罪驗孫仍赫  
矣中丞績淵哉內舍承政嚴楚江靜官久浙人稱書採  
王孫妙文兼興嗣能頓驚生有氣不覺字無稜家學遙  
堪溯餘徽近足徵池魚嗟屈蠖天馬看飛騰大雅今誰  
契心交快得朋科名聯譜牒

味辛與舍弟聞風爲庚子同年

世系仰高

曾好樹名山業羣占奕世興箕裘遺法在繼述慰黎蒸

五言絕句

貧女吟

蓬門餘艷質顧影獨憐春莫恨無媒識經年恥見人

梅庵詩鈔

卷五

五

平時嗟女伴寂寞共清貧忽嫁金閨壻荆釵解笑人

入山

入山半入雲愛此雲間屋雲歸僧未歸知在雲中宿

試馬

試馬長安道霜蹄蹴轂塵恠他來往客看馬不看人  
千金買駿馬血汗撐突兀欲施錦障泥無由見奇骨

秋夜

孤檠耿幽夢牕月冷詩魔華髮愁千丈秋風枕上過

桐樹

何來青桐樹搖落吟牕前一葉墮疎雨秋風吹上天

冬夜

嚴風吹夢回長夜漫浩浩坐擁鸛鵒裘燈寒人影小

七言絕句

讀甘道淵感舊懷人詩題贈

千古知心怨別離玉京空有鳳樓期  
憐才最愛甘風子猶向人間說項斯

話舊情濃酒一卮天涯無處寄相思  
落花風細茶烟冷腸斷巴山夜雨時

蓮花池

在大覺寺有金魚數百頭拍手卽至

白藕花飛水一隈蓮池香霧接蓮臺  
客來拍手閒投餌

三十六鱗掉尾來

瀑布泉

高僅數尺聲聞寺外亦在大覺寺

壁上飛泉百道俱琤琤雪練透衣襦不須界破青山色  
三尺懸流萬斛珠

西竺寺鼯鼠

鼠

寺僅存廢跡有石鼯鼠一相傳頭西向移之東一夜仍西人稱爲禁山鼯

何年西竺寺成空瓦礫如灰棘作叢猶有禁山殘鼯鼠  
不堪回首問東風

小寨石洞

路極險阻傳爲明末避兵所

壁立千尋鳥道橫陰森古洞怪雲生  
居人醉話農桑事



憶否當年此避兵

遊豐臺

走馬豐臺跨碧灣  
悞人春色欲闌珊  
東風不負看花約  
芍藥開時我正閒

遊山雜詠

不信烟霞癖已成  
閒邀勝侶結幽盟  
同行盡道游山好  
多少山人喜入城

過翁覃溪詹事蘇齋觀長公墨蹟用卷中韻題九

絕句

長公墨妙垂金石  
忽覩晨星眼乍明  
一卷新詩數行字

今人筆法古交情

偶然軼事傳身後不覺柔情露筆尖如此風流稱學士  
客愁合向髮毛添

漂零紅粉事堪驚腸斷筵前唱白翎博得蘇公留妙蹟  
芳名傳並品茶經

西園桃李競殘紅榮落無須怨不同莫向江邊輕解佩  
武陵洞口易秋風

珠箔瓊樓碾作塵鳥啼花落憶前春綵笳一別無消息  
柳絮飛時不見人

兩行紅粉春生座一曲琵琶夜泊船爭似錢唐陳太守

不將金屋老嬋娟

迴首懽場已作翁當年佳麗易追風蘇門自是鍾情客  
証取禪牀一夢中

水調歌殘斷客魂歸來舊事不堪論怒猊奇鬼爭心得  
大海風濤入墨痕

奎章學士妙詞華真賞丹邱豈浪誇我羨蘇齋老詹事  
千金何處得披沙

塞上曲四首

雕弓白馬隴頭春小隊將軍出獵頻猿臂一聲飛霹靂  
平原爭羨射雕人

嘹唳霜天旅雁鳴  
賀蘭山月照連營  
枕戈人睡無金鼓  
散作一天刁斗聲

高原苜蓿飽驕驄  
風起龍堆塞草秋  
陌上健兒同牧馬  
一聲齊唱大刀頭

大漠風塵競著鞭  
摩崖功許勒燕然  
材官自具封侯骨  
歸去南薰看賜蟬

書所見

疎籬短屋倚紅粧  
掩袂低鬟笑語涼  
斜插一枝長十八  
秋風吹落鬢雲香

元人詩忽見一枝長十八  
簪在帽簷邊長十八野花名

塞外口占

行營移向翠微邊  
渺渺嵐光毳帳懸  
睡起日高羊腍熟  
滿山雲氣壓炊烟

灤陽旅次

假館灤陽處士家  
柴門高枕玉山斜  
客牕一夜西風緊

開徧籬邊洗手花

雞冠一名洗手花

塞外夜雨

一夜羶廬雨點粗  
何人爲覓引光奴  
曉來潑墨秋山上

欲寫米家從獵圖

宋翰林學士陶穀披衫條染硫黃取火呼爲引光奴卽燂燈也

六月雨後西山紀遊

日邊高障炎官繖  
天外遙傾玉女盆  
十丈黃塵飛脚底

擬從雲竇躡天根

六月揮鞭上翠微  
翠微高處合忘歸  
萬重烟樹排雲壑  
釀作一天嵐氣飛

山頭草木如烟平  
山下稻粱學雨聲  
近山雲氣乍離合  
一村一村陰閒晴

雨餘頓起登臨興  
走馬看雲薄暮還  
我本讀書不求解  
畧觀大意到溪山

讀元史

飲馬長江命將頻  
君王溫語召曹彬  
八荒席卷無中外  
止在將軍不殺人

石人挑動黃河水汝潁兵來王氣消自是中流無砥柱  
不關衰世有童謠

高郵一戰軍威振指顧長戈截海鯨何事淮安遷故相  
漢家容易壞長城

幾處紅巾煽草萊白蓮會起禍成胎宮中自演天魔舞  
彌勒無端下世來

木蘭從獵雜詩

行營十里曉雲紅毳帳氍毹百不同早起

宮門白封事衣冠鵠立萬山中

綿綿行帳結爲城旗幟森嚴插

御營五夜峯頭回首望一川燈火夜無聲

夢裏駝聲促上圍曉烟和霧濕征衣羊腸河外羊腸路  
一線梯雲到翠微

刮面嚴霜曉未晞朔風如箭透羶衣須臾日出千山紫  
散作一天嵐氣飛

縹緲雲峯大纛懸迷離天外認炊烟書生自顧無長技  
也挂銜名蒼翠邊

沿溪跨嶺騎如雲爭挽强弓趕鹿羣瑟瑟腥風吹馬過  
長林深箐起山君

平空飛雁穿雲落隔嶺驚麋帶箭來瞥眼白雲紅樹裏



盤盤蟻磨簇龍媒

健兒健足真無敵  
電激星飛上半天  
直跨十尋抱生鹿  
一齊賈勇

至尊前

湯空毛血下飛雨  
鳴鏑聲聲落雉羣  
萬馬奔嘶山谷動  
一時驚散半天雲

看城近處路康莊  
獵騎雲屯侍

上方

笑掣烏號貫雙鹿  
馬前

萬壽祝無疆

次韻寄內

團團毳帳結連營，湯憶蕭齋擁百城。  
火出鼻端風入耳，

貔貅隊裏兩書生。

時與閻峯  
同扈從

內子界烏絲闌並詩見寄依韻次答

日長頻入黑甜鄉，佳蔭搖風藉遠揚。  
消得夢回翻墨瀋，  
秋蛇春蚓不成行。

客程幾見髣成絲，塞上酣遊喜壯時。  
山市雨餘忘薄暑，  
秋風不問出關遲。

烏絲闌界妙縱橫，一紙郵傳蟬翼輕。  
白晝鸞牋消永日，  
綠牕揮汗足關情。

雪夜讀牧亭詩

牧亭遺稿半凋殘  
一穗昏燈抱影看  
讀到孟郊清絕處  
雪花如手打窗寒

偕及門諸子遊棲霞喜成絕句

棲霞山上白雲橫  
雲影山光遞送迎  
今日從遊忘主客  
新門生閒舊門生

步石庵叅知題任月山進馬圖韻

驟裏追風軼眾材  
駸駸叱撥幾龍媒  
毫端繪出千金骨  
一片陰山秋色來

鳳頸龍文取路長  
漢庭八駿久分張  
何人天馬書成賦

名筆遙遙繼阿章

韜弓櫜筆笑吾曹  
馬上裁詩興亦豪  
我見丹青如見獵  
平沙白草雁行高

邊事何須借箸籌  
大宛爭貢紫驊騮  
飛黃譜入天閑裏  
月駟雲螭萬里收

戲贈阮學使伯元

六千髦士彙羣英  
半是宗師作養成  
我向齊州懸玉尺  
門生門下中門生

伯元余已酉  
所得士也

戲答葆巖

水晶簾啓錦吟肩  
茶鼎香爐習靜緣  
贏得髮絲禪榻上

多情苦憶杜樊川

桃根桃葉見應難  
綠樹成陰興易闌  
莫待曉風殘月後  
好花留取霧中看

題夢禪居士照

蓆鞋布襪著黃冠  
誰識前身是宰官  
莫向維摩參妙諦  
幾人真箇坐蒲團

偶然拈筆稱詞客  
是處隨緣作畫師  
慧業到頭都懺盡  
茶烟禪榻鬢絲絲

題馬湘蘭花卉冊子四首

金縷歌殘謝舞筵  
秋娘老去學逃禪  
半生苦趣從頭數

都在秦淮風月邊

鬢影衣香興已闌猶留妙墨噪詞壇昏燈一穗禪心寂  
那有胭脂畫牡丹

冷韻幽香自寫真蕭疎幾筆已傳神爭看淡墨氤氳處  
不是名花是美人

勘破前身是落花舞裙著盡著袈裟吉光片羽存遺稿  
認取多情杜牧家

柳條邊

黃沙白草馬蹄驕綿亘身經塞路遙千里風煙垂大漠  
柳條邊外暮蕭蕭

贈廣時齋侍御

遊戲名場五十春  
卑田院現宰官身  
知君志不在溫飽  
笑殺沿門托鉢人

侍御於便面作  
丐者相寄意

倔強孤蹤眾亦猜  
扁舟計日返烏臺  
行裝惟底輕如葉  
身自揚州跨鶴回

重興道中

湖光漭漭歎陰席  
山色蒼茫落枕函  
一樣湖山送行客  
不分江北與江南

鹽城舟中

村落無多草木荒  
馬家蕩口水茫茫  
漁舟出沒蘆花岸

一片殘葭臥夕陽

一葦扁舟僕從稀輕裝合與世情違盤飧莫笑無兼味  
不獨鹽多蟬更肥

讀書

白首窮經賴後儒九邱八索費搢觚祖龍一炬咸陽火  
焚後遺編讀盡無

傳疑傳信兩無關窺豹何須問一斑若聽後人矜考据  
廿三正史半從刪

奇文誰問子雲居梨棗翻來盡唾餘我到名山探禹穴  
古人原有未傳書



苦語淒淒無病呻誰將哀樂寫天真少陵一滴江頭淚  
引出窮愁悞後人

高郵舟中

計程兩日到高郵漸覺江天霧雨稠二十六湖春水滿  
片帆南下是揚州

召伯舟中

召伯堤邊春水寒輕舟南去路漫漫夕陽一片官河柳  
挽住行人說謝安

過露筋祠

樂府新題喬女傳扁舟又拜露筋祠但令巾幘持名教

野史功同雅頌詩

喬女守志不汙淮人徵詩  
余作七言古詩表其事

荒涼遺廟枕河干  
渺渺官舟欲駐難  
莫讀漁洋舊題句  
白蓮花萎野風乾

題黃心盒填詞圖

依人王粲笑途窮  
落拓非關句不工  
學劍未成書未就  
閒敲鐵板唱江東

渭城一曲譜新詞  
好繼蘇黃樹鼓旗  
拈出曉風殘月句  
柳郎原是女兒詩

題五老會

扶鳩矍鑠足精神  
醉舞歡場氣絕倫  
若合五人論甲子

計年堪作宋元人

耆英佳會豈尋常海上誰傳却老方  
笑我春秋過五十對君才入少年場

詩三百篇論者謂詩之爲教惟其言不惟其人言有足  
采雖里巷之作亦所不遺此論詩之不探其原者也蓋  
詩以言志而以一己之志導天下之志於中正和平非  
大人則不能昔三百之興也由在位有制作之功業以  
鼓吹揚詡於上而後小雅之材七十四大雅之材三十  
一後先接跡迭相唱和使四始之義燦然大備而詩始  
得列之爲經然則主持風教非大人事與維我梅庵夫  
子可謂志古大人之志者矣夫子由詞垣洊歷公卿典  
試東南以文學結

主知授之節鉞倚若股肱民生國計碩畫嘉猷旣足以

光昭斯世垂之不朽矣豈屑夸耀韻語與布衣韋帶者  
爭字句之高下得失云乎哉雖然尹吉甫周之名臣也  
其自言曰吉甫作誦穆如清風又曰其詩孔碩夫尹吉  
甫何以不自讓其美而後之君子又何以不疑其言之  
自矜則以風教主持非大人莫屬故也夫子殆與言前  
之志有隱相合歟其所自爲詩浸淫杜韓蘇諸大家源  
源晉魏而上不名一體而諸體悉歸自然凡身心所接  
行役之光華山川之遊覽史家之紀述有感於中卽見  
於詩至其於君父昆弟朋友間情文周浹藹然流溢意  
言之表令人生忠孝愛敬油然而不能自已以此歎作

者無意於傳而自不能不傳也端昔官淮安時側聞緒論每公餘入謁坐光風霽月中剖析源流諄復不厭大旨總蘄自得爲主吾夫子發於事業見於文章一出之於中正和平而非若世之模擬雕琢汨於性情者之無當於三百之旨也謂之曰志古大人之志不誠然哉爰旣爲序復跋數語以告世之讀是詩者

嘉慶甲子嘉平旣望門人清溪徐端謹跋

梅庵夫子以詩名天下浙中丞阮芸臺先生嘗刊以行之既爲藝苑矜式矣甲子冬夫子自編其所作又得五卷以湘忝列門下函二冊見示俾先海內之士而讀焉

湘非敢謂知詩者也然竊論夫子之詩肆力諸體振古拔俗樂府則以漢魏之老蒼兼齊梁之流麗不肯蹈襲一句亦不如楊廉夫李東陽之獨闢蹊徑以求工也五七古出入韓蘇其渾灝沈鬱處直登少陵堂奧不爲形似七律乃唐十子之遺音而五律則有唱而愈高者羚羊挂角無跡可尋所云妙臻無尙者歟昔杜子美自道其詩云讀書破萬卷下筆如有神東坡論書法亦曰讀

書萬卷始通神夫子之於詩既兼有古人之美又精行楷臨晉宋諸家書神與之化要皆自萬卷中來甚矣學之不可無本原也雖然此特其緒餘爾其遭時遇

主籌國濟時不强人以不能而求有實政才智之英循謹之士一時俱樂爲之用散十九州縣賑而民不爭採買六十餘萬倉穀而農不擾堵築張秋漫口三百餘丈而旬日奏功吏治煥然改觀至於品藻人倫獎予後進尤名公卿之所難自此以往衣被益無涯涘湘知修辭之彥如鳥歸鳳如山宗岱皆以今之歐陽公目之不獨團扇家家畫放翁而已也因敬跋數語於卷尾以誌



止之私云

嘉慶甲子嘉平旣望門人金湘謹跋

夫玉券靈書之祕非六佐所兼探金堤力牧之勲豈四  
始之竝擅邴魏理國乃遜學於魯儒崔蔡屬辭終謝功  
於炎輔至若仲寶登鼎鉉而撰集元凱膺符節而著書  
滙君子之九能揆雄文之八體是蓋松恒毓德翕闢資  
華朗玉燭於神機淪金波於靈府若今宮保梅庵先生  
可謂百代之寶模九垓之木鐸矣先生行協緯度口含  
日光莊武在姬周驛旄舊族韋平當漢室衡石名門閼  
澤月宮之字早見於綺齡風后夢中之塵夙符於元緯  
夫其摘華東觀視草頭廳煊元化以丹青國圖心繪羅  
雅材於杞梓珊網手張顧鵲迴鸞肩吾品書之序制詩

緝頌次山篋衍之編固已文江散珠藝林飛箭爲命代  
之先覺屬萬流之歸墟斗戴崆峒價參球玉已逮乎鋒  
車作督靈鉅奠方蕭鄴侯之豐功兩京冠首陶士行之  
碩畫八州騁馳僉謂季孟伊臯日宣三德何暇指揮屈  
宋均調八風乃先生開物成功彈豪發藻輔

堯醴舜莖之化不廢賡颺展鉤河摘洛之才時提油素  
爾乃世緣外接詞瀾內澄渾涵汪洋華聲寶睇停雲  
於鳥翮栗里同懷閔中澤之魚頭春陵媿詠裳拈繡袞  
逾韋布之苦吟履曳星辰答山夫之樵唱玉帳河魁之  
下清風入懷中台晷度之間研雲滂注或繁詞炳耀或

隻義堅深或範景而雜仙心或寓物而抒孔思要皆趣  
合正變誼極情文六經含章萬鈞鏗響權文公有云全  
才逸氣與勲力相宣舉似斯文庶幾克副是豈非房謀  
杜斷兼竹素以流輝樂旨潘文勒鐘彝而更固者歟屬  
當鄭堂之寫定謬許牘尾以綴詞煥棘曜光微蓬心道  
味誼忝孔李早撰杖函分豈紀羣適邀帡覆攄越公之  
錦繡道衡不敢言詩奉滕道之明珠蘭成自慙材朽所  
願七曜遵度九服扶輪暖律宏吹金聲遐振慶垂祚允  
物咸昭蘇墨池膚寸垂爲泰山之雲緹縉十重護此層  
城之璧

嘉慶乙丑九月年愚姪曾煥謹跋